

何首烏 白芍 黃耆 人參 甘草 白朮

白茯苓 姜水煎服

象牙散 治同上

人參 黃芪 白朮 錢各一 甘草 七分 茯苓 一錢半

何首烏 錢二 右加糯米二錢 棗二枚 水煎調下

象牙末 一錢

玄參升麻湯 治溫毒發斑

玄參 升麻 甘草 水煎服

陽毒升麻湯 面赤狂言煩躁腰背疼下利脉浮

喉痛 升麻 錢五 犀角 射干 黃芩 人參

甘草 錢各二半 右水煎服

陰毒升麻湯 治陰斑

升麻 當歸 川椒 鱉甲 雄黃 甘草

右水煎服

四聖膏 治痘疔挑破以契點之

七粒珍珠火上燒 碗蓋七七鍋內炒 男髮

不拘灰多少 加入胭脂真箇好

二聖散 治同上

雄黃

錢二

紫草

錢三

右研末用油胭脂調下

敷方 痂後痘疔潰爛成坑內見筋骨以灰敷之

赤石脂

膩粉

黃栢

抗粉

炒

血竭

各一錢

飛丹

炒八分

髮灰

五分

乳香

沒藥

各三分

水片

三錢

伏龍肝

錢一

蜜陀僧

飛過

錢二

有臭氣加阿魏三

四分

右為細末綿帛篩過敷之外用膏藥貼

內服人參敗毒散加川山甲蟬退連翹

人參敗毒散 治餘毒癰腫

人參

赤茯苓

羌活

獨活

前胡

薄荷

柴胡

枳殼

川芎

桔梗

各一分

甘草

減半

牛蒡子

防風

荊芥

連翹

金銀花

即荊防敗

毒散

頭上加白芷升麻

上身倍加桔梗

手加薄桂

腰加杜仲

腿足加牛膝木瓜

金花散 痘後肥疔疥癬等瘡以能收水解毒

黃丹

黃栢

黃芪

黃連

大黃

輕粉

射香

右為細末濕瘡乾搽燥用臘猪油熬化

調敷

必勝膏

治腫毒

馬齒莧搗汁 猪脂膏 石蜜 三味熬膏塗之即消

三莖散

痘後癰毒初起紅腫 黑豆 赤莖 葉莖用醋浸研漿時時以鷲翎刷上隨手可消

敗草散 治斑爛不止

爛茅草 不拘多少用多年蓋墻屋者經露風霜年久感天地陰陽之氣善解瘡毒其功不能盡述取來晒乾或焙乾為極細末敷瘡上

或攤在蓆上令兒坐卧於上即愈

又方 荔枝殼微燒存性 草紙燒灰存性 多年敗茅 三味共為細末或搽或搽自能收水

結痂

又方 黃莖壳燒白灰為末搽之 如痘風癬以莖殼煎湯洗

綿繭散 治爛瘡 治身及肢節疔蝕瘡膿水不絕 繭子不拘多少將生明礬末裝入滿火上燒令汁乾枯為末搽之

秘傳茶葉方 痘爛遍身無皮膿水流 出粘粘衣  
被 茶葉要多揀去粗梗入滾水一漂即撈起  
再揀去梗濕鋪床上用草帑隔一層令兒睡  
上一夜則膿皆乾

乳香韶粉散 痂欲落不落用此薄塗當滅癩痕  
又治熱痘瘋遍身膿水不絕

乳香三錢 韶粉一兩 輕粉一錢 右末猪油拌鵝翎敷上

地黃散 痘毒入眼腫痛赤縷或白膜遮睛

熟地 當歸 防風 蟬退 羌活 白芍

炒去刺 穀精草 木賊各一錢 玄參五分 犀角末一錢

黃連 大黃 炙甘草 木通各一錢半 為細末

小兒每服一字大人二字羊肝湯食後調服  
日三夜一忌口將息

蜜蒙花散 治痘入目翳膜遮睛

蜜蒙花 菊花 石決明 白蒺藜 木賊

羌活 右末每服二三錢茶清調下

兔糞散 治痘入眼 亦可煉蜜為丸酒送下三

五十九 兔糞炒黃為末用蟬退木通甘草煎

湯頓服

兔糞丸 治痘入眼或生翳障

兔糞兩炒四 石決明煨 草決明 木賊去節

白芍 防風兩各一 當歸錢五 穀精草錢二

右末蜜丸菉豆大每服三五十九丸荆芥湯送

下

吹耳丹

輕粉 飛丹 為細末左眼翳吹右耳右眼吹

左耳只吹一二次

又方 加雄黃射香少許 外用石燕子一對煇

即一對二味磨水常服

罩胎散 治妊婦出痘 一方有陳皮枳殼大熟

加鬱金

川芎 川歸 芍藥 人參 白朮 茯苓

甘草 柴胡 條芩 防風 荆芥 白芷

葛根 砂仁 紫草 阿膠 桔梗 糯米

水煎服

安胎散

川芎 當歸 白芍 人參 白朮 白茯苓

甘草 條芩 陳皮 紫蘓 砂仁炒 阿膠炒

香附 艾葉 紫草

各等分加姜枣水煎服

安胎飲

大腹皮洗酒 人參 地皮 白茯苓 白芍

紫蘓 砂仁 香附 甘草 加糯米水煎服

胎漏加阿膠百草霜

柳花散 室女發熱經行

柳花五錢 紫草一兩 升麻九錢 歸身七錢

右末每服七錢葡萄酒煎湯調下

鉄箍散 治痘後癩毒

鳳凰退燒灰醋調圍四畔番頭出毒氣甚佳

蕎麥粉法 痘瘡破者用此敷之潰爛者以此遍

撲之極佳 蕎麥粉以絹袋盛撲於瘡上或以

此襯於床褥上

溫粉撲法 治汗出不止

黃連

牡礪粉

貝母

各末五錢

粳米粉

一升和勻

絹袋盛周身撲之

蟬花散

治爛痘生疽虫及夏月諸虫咬傷臭惡

不可近者服之虫皆化而為水蒼蝇亦不敢近

蟬退

洗淨焙

青黛

澄去灰土各五錢

北細辛

二錢半

蛇退

一兩

燒存性

右為細末每服三錢酒調下仍以生寒

水石細末摻之

青黛散

治痘未作膿痛甚心曷煩躁睡卧不安

並宜服之 真青黛如枣核大水調服之即安

樺皮散

治痘瘡及乳癰并一切腫毒

樺皮木剉煎温服以藥味苦平無毒 若治乳

癰取樺皮燒存性為末酒調服之立消

獨勝散

治早晨微熱晚發大熱目黃脇動身熱

手冷發甚如驚者又名牛旁姜蚕散

牛旁子

五錢

白姜蚕

二錢

紫草

二七

水煎服速

進三四服其痘便出盖姜蚕治遍身癰疹疼

痛牛旁發痘透肌紫草利竅要知痘疹無虛

寒証者服以痘立出也

蘿蔔湯 治痘疹出不快者

右用開花蘿蔔煎汁時時飲之蓋痘疹氣勻即出快蘿蔔治嗽定喘下氣消脹解毒

紫河車散 治小兒痘瘡毒氣不解上攻咽喉聲音不出舌頰生瘡過逆煩悶潮熱面赤

紫河車

即金線重樓

茜根

貫衆

各三錢

白芍藥

甘草

炙各五錢

右每服三錢生姜一片水煎服

一方有牛旁子

野通散 治痘瘡出不快及傷寒不語

乾野人糞

即猕猴糞火燒存性

冰片

真麝香

各等分

右為細末每服五分看大小用新汲水入蜜調下十歲以上者服一錢 按野人糞治知

蛛咬瘡此治痘出不快大效蓋蜘蛛咬瘡久而不愈其絲生皮膚延蔓遍身不愈者加雄

黃青黛水調以蜘蛛試之立化為水屢驗蓋此三味是治瘡疹當用之藥取山中者若人

家所養之猴食物味雜即不効失其本真也南金散 治痘已出而復擷其勢甚危諸藥不効



者萬無一失本家印貼此方施人全活甚衆

紫背荷葉霜後搭水 白姜蚕洗去系

右為末等分每服看大小太者一錢小者五

分研羌萎汁和酒下米飲亦可 治此症多

有用龍腦人牙者卒難措辦惟以無毒而効

且速但紫背者甚難得可於鹽舖內尋之

橄欖飲 治倒靨

橄欖從中截斷水服少許服之立發

乳香猪血膏 治痘不起發

乳香研末 猪心血搗為丸櫻桃大每服一九水

磨化下

鈎藤紫草散 治痘疹不快

鈎藤鈎子 紫草茸 等分為細末每服三五

分溫酒調下蓋紫草滑竅利小便散十二經

毒氣鈎藤治小兒寒熱十二驚癇綠驚癇出

於心肝瘡疹亦心所主也

鴉片散 治痘當起脹灌膿時泄瀉不止諸藥不

効者如神 真鴉片錢一 蓮肉炒錢一

右每服半分或一分米飲調下立止

葛根黃芩湯 治喘有汗發熱咳嗽

乾葛 黃芩 各二錢 黃連 芍藥 石膏 各一錢

五味子 十一粒 甘草 五分 水煎服

五味子湯 治喘促而厥

五味子 一錢半 人參 一錢 麥冬 杏仁 各二錢

右姜三片束三枚水煎服

清肺飲 治咽乾声啞

麻黃 一錢半 麥冬 二錢 知母 天花粉 荆芥

名一錢 訶子 菖蒲 各八分 桔梗 二錢

水煎入竹瀝姜汁服

天花散 治痘後失音

天花粉 桔梗 茯苓 訶子 石菖蒲

甘草 各等分竹葉七片黃荊一寸水煎服

補肺散 治痘未出声啞

阿膠 蛤粉炒成珠一錢半 牛子 炒三分 杏仁 去皮尖三粒

甘草 二分半 馬兜鈴 黃芪 各五分 糯米 炒錢

水煎食後時時嚙之

利咽解毒湯 治痘咽喉痛首尾皆可用

山苳根 麥冬各一錢 牛子炒 玄參 桔梗各

分 甘草二分 防風五分 葦苳四分 九粒

右水煎服

三黃熟艾湯 痘後咽寒喉痺

黃連 黃芩 黃柏 艾葉 各等分水煎服

玉鎖匙 咽喉腫痛或帝鍾拖下不收及喉舌強

硬 硼砂錢一 朴硝五分 姜蚕條一 冰片分半

為末吹入

羌活當歸湯 治腰背痛初發熱時便宜服之

羌活 當歸 獨活各一錢 羌胡一分 桂枝七分

防風 川芎 黃柏各一錢 桃仁 紅花各八分

酒水各半煎服 又方治腰痛有蒼朮漢防

已

如神湯 治腰痛

當歸 桂皮 玄胡索 各等分為末酒下二

三錢

活血解毒湯 治餘毒

防風 荆芥 生地 赤芍 當歸 連翹

牛子 黃連 紫草 甘草 蒼朮 薄荷

川芎 木通 各等分水煎服

胎元散 痘不起發不紅潤是血氣俱虛

胎元焙乾為末加射香少許酒調服三五分

水楊湯 治痘乾尅不起者

水楊柳

春冬用枝秋夏用枝葉生水邊細葉紅梗枝上有圓菓滿菓有白鬚散出俗名

梅水楊

右以枝葉切碎水煎七八沸先將一分置盆內手拭不寒不熱令痘兒先服內托之

劑然後浴洗漸漸添湯不致太冷浴洗久許

乃以帛撚火照之纍：然有起勢起處竟有

暈暈有系乃漿影也如漿不滿再浴若弱者

只浴頭面手足可也既不赤躄不厭多洗灯

照如無起勢乃氣血敗無生意矣

溫膽湯 治痘血寒顏色灰慘血凝不活腹脇脹

滿面青筋縮嘔清水或瀉青菜色

白茯苓 橘紅 半夏 甘草 枳實麩炒

各等分竹茹一錢姜枣水煎服

陳氏木香散 治痘氣寒鼻流清涕咳嗽惡風自

汗身軀寒戰瘡色慘白

木香臨時磨服大腹皮黑豈汁洗淨人參各三錢赤茯苓

前胡 青皮去穰炒半夏炮七次丁香 訶子肉

炙甘草各二錢半灯心一錢半 每服三錢姜枣水

煎服看大小加減

中和湯 治全上

人參 黃耆 厚朴姜汁炒 白芷 川芎

當歸 粉草 桔梗 白芍酒炒 肉桂去粗皮

防風 藿香 各等分酒水各半姜枣煎服

瀉肺散 治痘氣熱鼻乾燥皮毛枯槁咳嗽瘡色

焦紫即瀉白散

桑白皮蜜炙地骨皮 甘草 各等分加竹葉二

十片灯心水煎服

清肺飲 治症全前

麥冬 桔梗各二錢 知母 荆芥 天花粉各一

錢石菖蒲 訶子肉各八分 水煎服

清金湯 治口氣臭

知母 黃芩 石膏 桔梗 甘草 天門冬  
麥冬 馬兜鈴 木通 山梔 天花粉 各  
等分水煎服

解毒托裏散 治痘稠密

桔梗 牛旁子 人中黃 防風 荊芥穗

酒紅花 歸尾 蟬退 升麻 乾葛 赤芍

連翹去心 各等分水煎入燒人屎調服

四物快斑湯 治痘火盛乾燥

當歸 川芎 赤芍 生地 荊芥穗 牛子

升麻 葛根 連翹 紫草 地骨皮 水煎

入燒人屎服

四君快斑湯 治痘氣虛滯濕

人參 黃耆 白朮土炒 茯苓 甘草 桂心

白芷 荊芥穗 防風 陳皮 白芍酒炒

各等分水煎服

大補保命湯 治痘皮嫩易破者

人參 黃耆 當歸 生地 川芎 赤芍

甘草 牛旁子 防風 荊芥穗 連翹

官桂 水煎入燒人屎服

清金導赤飲 治痘熱乘肺金當痂不痂作喘煩躁謔語小水不利垂危

當歸 白芍 陳皮 貝母 軟石膏 白朮

苓 甘草 黃芩 黃連 杏仁 桑白

皮 枳殼 木通 滑石 麥冬 車前子

人參 玄參 各等分水煎服

人參固肌湯 治痘表發太過致肌肉不密痘痂粘肉久不落者

人參 黃耆 甘草 當歸 蟬退

各等分入糯米一撮水煎服

人參清神湯 治痘痂不落昏迷沉睡者

人參 黃耆 甘草 當歸 白朮 麥冬

陳皮 酸枣仁 黃連 茯苓 各等分加

棗糯米水煎服

馬齒莧散 治痘痂不落成斑痕者

馬齒莧搗汁猪脂膏石蜜共熬膏塗腫處

當歸桂枝湯 治痘後手足不能屈伸

當歸 川芎 黃耆 甘草 薄桂 黃柏

蒼木炒 各等分水煎 如氣虛少加川烏以

行經加人參為主 如感風寒以致骨節疼

痛加羌活防風

玄參化毒湯 治痘後赤遊丹毒

玄參 歸尾 紅花 連翹 軟石膏 赤芍

防風 地骨皮 木通 荊芥穗

各等分加竹葉水煎服

蚕退散 敷牙疳

枯礬 塗即尿桶中垢也 五倍子各二錢 蚕退燒存

性 為細末先以米泔水用蟬螬虫翻轉蘸

水洗淨瘀血以藥敷之

黃連陰慝丸 治狐惑瘡

黃連二錢 芩會 乾蟾各一錢二分 史君子肉二錢

半 蕪荑一錢五分 川棟子肉一錢

右末烏梅洗淨去核搗膏和丸米飲下

蜆子湯 治痘後發癩

蜆子不拘多少活者以水養五七日旋取其水



洗之蜺衣煮湯亦佳

十三味敗毒散 治癰毒

當歸 白芷 川山甲炒土 金銀花 防風

乳香製 甘草 陳皮 赤芍 皂角刺

貝母 沒藥製 天花粉 各等分酒水各半

煎服

涼肝明目散 痘後羞明

當歸 龍胆草 密蒙花 川芎 羌胡

防風 酒連 各等分雄猪肝煮湯煎服

望月沙散 痘後暗室中不能開者

穀精草 密蒙花酒洗 蟬退土翅是 望月沙一兩

右為末雄猪肝一兩竹刀批破用藥一錢揅

入肝內水煮熟飲汁食肝効

羊髓骨髓 治痘痂散落不落癩痕

羊髓骨髓一兩 煉入輕粉一錢研成膏塗之

小靈丹 解毒發痘之聖藥治紅斑黑陷不起一

切危惡如服此而不見効者次無可生之理矣

硃砂 雄黃各二錢 乳香 沒藥各製一錢半

大蟾蜍

取心肝瓦上焙乾五錢

射香

三分

為細末取猪心

血雞冠血丸皂子大每服一九身無大熱

生酒化下熱甚不飲酒紫草灯心湯下即

時紅活而起

神功散 治痘作渴

人參 黃芪 甘草 牛旁子 紅花 生地

前胡 紫草 白芍 水煎服

紅花湯 治全上

紅花或子隨意煎湯飲其渴即止綴口中如烟

飲之即止 加牛旁子尤妙

加味鼠粘子 治咽中有瘡作嘔

桔梗 射干 山荳根 防風 乾葛 陳皮

荊芥 連翹 水煎細細呷之

灯心竹葉湯 治乾嘔

竹葉 三十片 灯心 三十根 水煎服

潤腸湯 治虛秘

歸梢 甘草 生地 火麻仁 桃仁泥

水煎服

拔毒膏 治痘疔

雄黃研 胭脂重浸水令濃調雄黃點疔痘上

立時紅活亦神法也蓋雄黃能拔毒胭脂能

活血也

涼血地黄湯 室女出痘遇經不止熱入血室

當歸 川芎 白芍 生地 白朮 升麻

黃連 甘草 人參 山梔仁 玄參

水煎服

涼血解毒湯 治女人出痘非經期於發熱時而

血忽至

當歸一錢二分 白芷五分 升麻四分 紫草一錢半

紅花一錢 赤芍一錢 桔梗八分 連翹三分

灯心二十根水煎服

當歸養心湯 治女人出血口瘡不能言者

人參 當歸 麥冬 甘草 升麻 生地

各等分加灯心水煎服

瀉肝散 女人經水不斷適逢出痘發熱昏沉言

語狂妄 羌活 川芎 防風各八分 當歸一錢

山梔仁

龍胆草

各五分

大黃

酒蒸三次一錢

水煎服

一方有木通 莖胡黃芩

歸脾湯

女人經閉不通 血海乾涸 適逢出痘 以

此調其心脾 不使血妄行 加莖胡 山梔 名加味

歸脾湯

人參

白朮

茯苓

黃耆

遠志

地骨皮

各一錢二分

甘草

三分

木香

五分

酸棗仁

一錢

姜棗煎服

逍遙散

女人出痘 寒熱不時 經水不調 服以其

血不致妄動

白朮

茯苓

當歸

芍藥

甘草

柴胡

各等分 加棗一枚 水煎服

加

丹皮 山梔 名加味 逍遙散

如聖散

妊婦出痘 安胎

白朮

黃芩

當歸

枳殼

黑豈

大腹皮

砂仁

甘草

桑上羊兒藤 即桑寄生

各等

分水煎服

黑神散

婦人出痘 分脫後 痂血作痛

當歸

川芎

熟地

炮姜

桂心

蒲黃

炒

香附

童便炒

木香

青皮

黑豈

酒水各半

煎服

原疹

生生子曰麻疹浙地呼為瘖子又曰沙子吳地呼為疹子新安呼為麻總由有生初之淫火伏於命門之間命門具太極之理而陰陽五行繫焉臟腑之所由生也蓋五行一陰陽陰陽一太極也天之與人咸相感通由其通故天寒而人身寒天熱而人身熱也天之癘氣一動則所稟之毒隨感而發陽感之則疹出焉陰感之則痘出

焉陽浮而淺故疹易出易斂陰凝而深故痘難出難痂陰陽二劫之毒尽出則向安矣余故曰人之出疹出痘猶蚕之一眠二眠三眠也痘雖出於陰而實成於陽以氣為之固也疹雖出於陽而實藉於陰以血為之資也何見之痘非氣行則血不附安得結痂疹非血濟則氣失依焉能收斂斯陰陽升降之理一開必一闔血之附氣氣之依血陰根於陽陽根於陰陰陽互為其根也前人謂痘出於臟不知指何臟疹出於腑

不知指何腑而云之也又謂疹出心肺故鼻涕而咳嗽余謂此皆臆度套詞而非有真知一定之見也既曰疹出於腑心肺獨非臟乎按內經鼻為肺之門戶通天氣陽毒上發熱毒薰蒸蓋心肺位尊鬲上又肺主毛竅毒從竅出是干於肺而非出於肺也要知痘之與疹皆出於命門之陰陽也 右釋麻疹

一發熱之初多似傷寒惟疹則咳嗽噴嚏鼻流清涕眼泡腫其淚汪汪面浮腮赤惡心乾嘔為異

耳但見此候便宜謹避風寒戒葷腥厚味急表散之使皮膚通暢腠理開豁而疹毒易出也  
一疹痘之發雖曰胎毒未有不由天行疔氣故用藥必先明歲氣兼之時令如溫煖時月以辛涼發之如防風解毒湯暄熱時月以辛寒發之黃連解毒湯大寒月以辛溫熱劑發之桂枝解毒湯時寒時煖以辛平之藥發之升麻葛根湯此因時投劑不可悞作傷寒妄施汗下而伐天和也又須看人虛實如大便秘結煩熱甚而發不

出者以酒大黃微利之吐利不止以參芍之類  
補之

一用前藥發散而疹隨見為美若發不出再加發  
之如加味麻黃散之類外以芫荽酒糟蒸熱擦  
之看其疹自頭至足為之出齊頭面愈多為佳  
若遲延日久而不出則腹脹氣喘昏眩悶亂煩  
躁而死矣

一看疹之法尋於耳後項上腰腿先見其頂尖而  
不長其形小而均淨淡紅為吉若色紅甚兼火  
化也化斑湯主之人參白虎湯佐之如色白者  
此血不足也養榮湯如色紫赤乾燥暗晦乃火  
盛毒熾宜六一散解之四物湯加柴胡黃芩乾  
葛紅花牛蒡子連翹之類滋陰涼血而熱自除  
所謂養陰退陽之義也此亦五死一生之症外  
大青湯玄參解毒湯皆可選而用之若黑色者  
則熱毒尤甚為十死一生之症須明察之勿妄  
施治

一表後看疹隱上然見於肌膚成片切忌風寒生

冷如一犯之則皮膚閉塞毒氣壅滯遂變為渾身青紫而毒反內攻煩躁腹痛氣喘悶亂諸症作矣欲出不出危亡立至

一疹已出而忽沒者乃風寒所遏而然也若不早治毒成內攻必致痒癩而死急用消毒飲合升麻湯熱服則復出而安矣

一發熱之時遍身汗出者此毒從汗散玄府開疹易出也有鼻中血出者此毒從血解也俱不可遽止之若汗出太多血出不止者此又火甚逼

迫太過致液妄流流行矣急宜當歸六黃湯加浮小麥以止汗茅花湯加玄參百草霜以止血遲則汗出多而元氣虛血出多而精神散為不治之症矣

一發熱之時或嘔吐或自利或滯下者此火邪內逼毒氣上行則吐下行則利毒甚則裏急後重而為滯下也吐者竹茹石膏湯利者升麻澤瀉湯滯下黃芩為藥湯加黃連生地木通人參枳殼或少加大黃微下之



一發熱之時未有不口渴者但宜以藜蘆灯心炒米湯飲之人參白虎湯佐之取生津解毒而已若恣飲冷水恐生水畜之疝故水入於肺為喘為咳宜用葶藶子以洩肺中之水水入於脾為腫為脹為自利水入於胃為嘔為利宜用猪苓澤瀉茯苓以瀉脾胃之水水入於心為悸為驚宜赤茯苓灯心湯以洩心下之水水入於肝為脇痛用芫花以洩之水入腎與膀胱為小便不利為陰囊腫用車前子木通以洩之皆當隨症

而治

一疹出之時咽喉腫痛不能飲食者以毒火拂鬱上薰也宜甘桔湯加玄參牛旁連翹更以十全散玉鎖匙吹之不可妄用鍼出血也

一疹出之際咳嗽口渴心煩者以毒在心肺發未及也瀉白散加天花粉連翹玄參黃連以瀉之或黃連杏仁湯

一疹出之時自利不止或瀉稀水頻數者有吉有凶但要審其疹若遍身稠密太盛或紫色或紅

色以則為吉蓋毒在大腸非瀉則毒不解惟用平胃散加葛根連翹以解之而已疹一發透依期而收瀉自止也若疹已收而瀉未止者驗其躰熱疹必未盡再用前藥加連翹黃連牛旁木通澤瀉以分利之六一散亦妙絕若用訶子肉果等澁滯之劑則變喘急腹滿痞脹不治之症矣若疹色淡而躰不熱口不渴大小便利飲食少進以為凶乃虛寒之症方可溫補或兼收瀉

一疹出常以六時辰即收為率如子時為陽午後收午後為陰子後即收乃陽生陰成陰生陽成造化自然之妙也故漸出而漸收者其勢輕可若一出之後熱不退連綿三四日而不收者以毒火太盛外發未盡內有餘邪所致須以化班湯三味消毒飲加玄參石膏桔梗為治

一疹出後自然熱退若遍身既出而猶拂拂煩熱頻作嘔吐者以毒尚未完番連於肺胃之間宜化班湯如大便秘少加大黃微利之

一疹已收去渾身反發熱日夜不退此毒未盡解邪火鬱於肌肉之間久則毛髮焦乾皮膚枯槁肌肉消瘦為骨蒸癆瘵之症宜芦會肥兒丸加龍胆草當歸連翹等治之遲則有變睡則露睛口鼻氣冷手足厥逆癩癧慢脾風為不治之症矣

一疹收之後身雖不見羸瘦但時發壯熱煩躁不寧搐掣驚悸神昏悶亂者以陰血衰耗致餘毒入肝而傳於心也宜養血安神四物湯加麥門

冬酸棗仁淡竹葉灯心甘草石菖蒲龍胆草茯神黃連辰砂為治或以前藥為末用飴餅猪心血為丸服亦可

一疹毒入胃久而不散致成牙齦黑爛血出為走馬疳傳於兩頰浮腫久而穿頰破腮缺唇破鼻為崩砂狐惑等危症矣外用文蛤散雄黃散搽之內用人中白芦會史君子龍胆草黃連五靈脂飴餅為丸滾水服之以清胃火亦或有得生者但不彊見也

一疹出之時曾作瀉痢未經清解至疹退之後變為休息痢不問赤白裏急後重日夜無度與餘毒在大腸也須分虛實治之實者三黃丸利之或香連丸和之後用黃芩湯虛者從補

一疹退之後微々咳嗽者以餘毒未盡也用清肺飲加消毒飲主之若咳甚氣喘連聲不住名為頓嗽甚至飲食湯水俱噎出或咳出血者以熱毒乘肺而然也宜多服麥門清肺飲加連翹若見胸高如龜背作喘血從口鼻出搖首捶頭面

色或白或青或紅或枯黯者乃不治之症然亦有肺氣為毒所遏而發喘連聲不已但無嗽咳血出噎食之症者宜用清肺飲倍加人參治之尤不可拘於肺熱之一端而純用清肺解毒之藥

一疹退之餘声啞不出或咳或喘或身熱不退以致日久而不愈者以熱毒未及肺金受尅故也宜清金降火湯加竹瀝姜汁主之

一疹退之後飲食如常動止如故而卒然心腹絞

痛遍身汗出如水者以因元氣虛弱失於補養  
外雖無病稟實虛損偶然為惡氣所中謂之中  
惡以朝發夕死之疔間有用蘓合香丸而甦者  
一疹退之後有餘熱未及或發癩毒肢節疼痛者  
以羗活散微汗微利

一疹退之後有餘熱未及或熱甚而失血者犀角  
地黄湯合解毒湯或四物湯加茵陳木通犀角  
之類以利小便使熱氣下行而愈

一疹收之後餘熱未及日夜煩躁譫語狂亂者辰  
砂益元散灯心湯下或辰砂五苓散加苓連治  
之若初起煩躁譫語者升麻葛根湯調辰砂益  
元散主之

一麻疹一疔比之出痘似輕然調治失宜其禍反  
不旋踵蓋痘由胎毒而發其形勢多少輕重吉  
凶自可預斷至疹之出則雖由感受邪氣而發  
然其輕者可重者可輕皆在於調治有方故  
其飲食禁忌比痘尤甚若誤食雞魚則終身皮  
膚粟起如雞皮之狀但遇天行出疹之時又令

重出誤食猪肉則每歲出疹之月必然下痢膿血誤食鹽醋致令咳嗽則每臨出疹之月必復咳嗽誤食五辛之物則生驚熱不時必待四十九日或百日後方無禁忌也

一孕婦麻疹但當以四物湯倍加白朮條芩艾葉安胎清熱為主使胎無虞而疹易沒也如胎氣上衝急用苧麻根艾葉煎湯磨檳榔并服之更須服上藥為妙

一熱毒薰胎胎多受傷而母實無恙也蓋疹與痘不同痘宜內實故胎落而母亡疹宜內虛故胎下而母安雖與其胎去而母存孰若子母兩全之為愈也

### 麻疹輕重不治三症要訣

或熱或退五六日而後出輕 發透三日而暫沒者輕 頭面多而勻淨色澤者輕 頭面不出者重 紅紫暗燥者重 咽喉腫痛不食者重 冒風沒早者重 移熱大腸變痢者重 黑暗乾枯一出即沒者不治 鼻扇口張目無神者

不治 鼻清糞黑者不治 心前吸氣喘者不治

### 水痘症

夫水痘亦類傷寒之狀身熱二三日而出或咳嗽面赤眼光如或噴嚏或唾涕與正痘不同易出易靨不宜燥濕苟或燥之恐結痂多變成瘡之症

麥湯散 古本只以一方向作湯服亦可

地骨皮 活石 甘草 各五分 甜葶藶 麻黃

大黃 知母 羌活 人參 各一錢 右為末每服

五分用小麥七粒煎湯調下

防風葛根湯治痘發癰疹 及疹麻發熱

防風 葛根 升麻 赤芍 甘草

各等分水煎服

防風解毒湯 治麻痘初發熱如時令溫煖用此

辛涼之藥發之

防風 薄荷 荆芥 石膏 知母 桔梗  
牛子 甘草 連翹 木通 枳殼 竹葉

灯心各等分水煎服

黃連解毒湯 治麻痘初發熱如時令暄熱用以

辛寒之劑發之

黃連 黃芩 黃柏 山梔 牛旁子 甘草

防風 荊芥 知母 石膏 桔梗 玄參

木通 姜三片水煎服

桂枝解毒湯 治麻痘初熱如時令大寒用以辛

溫熱之劑發之

桂枝 麻黃酒炒 赤芍 防風 荊芥 羌活

甘草 桔梗 人參 川芎 牛子

生姜水煎服

升麻解毒湯 治麻痘初熱如時煖時寒用以辛

平之劑發之

升麻 葛根 羌活 人參 柴胡 前胡

甘草 桔梗 防風 荊芥 牛旁子 赤芍

連翹 竹葉 水煎服

加味麻黃散 麻痘發不出以發之

升麻酒洗 麻黃酒炒 人中黃 牛旁子 蟬退



各等分水煎服

化班湯 治麻痘色紅

人參 知母 石膏 甘草 牛旁子 連翹

升麻 地骨皮 竹葉 糯米 水煎服

養榮湯 治麻痘色白

人參 當歸 紅花 赤芍 桂水炒 甘草

水煎服

大青湯 麻痘紫赤暗晦乾燥

玄參 大青 桔梗 人中黃 知母 升麻

石膏 木通 梔子仁 水煎入燒人屎服

如大便秘加酒大黃

茅花湯 治麻痘鼻衄

茅花 歸頭 丹皮 生地 甘草 各等分

水煎服

竹茹石膏湯 治麻痘嘔吐

橘紅 半夏 石膏 白茯苓 竹茹 甘草

右水煎服

升麻澤瀉湯 治麻痘自利

猪苓 澤瀉 滑石 赤茯苓 甘草 黃連

酒炒 升麻 各等分水煎服

黃芩芍藥湯 治麻痘滯下

條芩 三錢 白芍 升麻 各二錢 甘草 一錢

水煎服

十全散 麻疔咽喉腫痛

黃芩 黃連 黃栢 苦參 各酒炒 玄胡索

三分 硼砂 乳香 製各二分 孩兒茶 雄黃 各五分

共為細末每用少許吹入

養會肥兒丸 麻後發熱日夜不退肌肉消瘦骨

蒸癆瘵

芦會 龍胆草 木香 蚰皮 人參 麦芽

炒 使君子肉 各二錢 檳榔 黃連 酒炒 白蕪荑

各三錢 胡黃連 五錢

右末猪胆汁糊為丸黍米大每服五六十丸

米飲下

文蛤散 麻毒入胃牙肉黑爛出血走馬疔疔

雄黃 五錢 五倍子 二錢 枯凡 五分 蚕退帛 燒存性一

錢 右細末米泔水洗淨以藥搽之  
雄黃散 治全上

雄黃錢一 黃柏錢二 射香分一 先用艾湯淨洗  
後搽藥

麥冬清肺飲 麻後咳嗽出血或嗆湯水

知母 貝母 天門冬 桔梗 甘草 杏仁  
牛旁 石膏煨 馬兜鈴蜜水炒 糯米 右水

煎服

清火降火湯 麻後熱乘肺金声啞不出或咳或

喘 當歸 白芍 生地 陳皮 貝母

瓜蒌仁 甘草 白苓 枯苓酒炒 山梔炒  
玄參 天冬 麥冬 杏仁 桑白皮 石膏

紫蘊梗 酒連 右各等分姜一片水煎服

生生子曰麻疹咳嗽喘急每用痘門中大小無比  
散每服五七分大者一錢即刻喘定而睡醒後  
神安氣和而愈屢用屢驗乃熱毒從小便出也  
加減四味升麻湯 此升發之劑但一二帖則止  
不可過表 升麻 葛根 赤芍 甘草

防風 桔梗 紫蘓 蒼朮 陳皮 枳殼  
柴胡 姜東煎服

水痘赤痘即以此一服而愈不必他方雜治



國家圖書館, NATIONAL CENTRAL LIBRARY, TAIWAN, R.O.C.

赤水玄珠第二十九卷目錄

外科小引

五發癰疽論

背疽其源有五

疔瘡


雜瘡

癬

瘡科總論

華佗癰疽瘡腫論

國家圖書館, NATIONAL CENTRAL LIBRARY, TAIWAN, R.O.C.



十九卷目錄

五發癰疽通治方

反花瘡

婦人陰瘡

臙瘡

赤水玄珠第二十九卷

外科門小引

新安生生子孫一奎著輯

生生子曰外科最重者莫如癰疽最急者莫如喉  
風疔腫患之者生死立見其餘瘡癩皆可緩圖  
非若上三証急若風火也究其受病之源經曰  
營氣不從逆于肉理乃生癰腫又曰膏粱之變  
足生大疔又曰六府不從番結為癰又曰諸痛  
痒瘡瘍皆屬心火大抵皆氣血虛弱蘊鬱熱毒

調養失宜之所致也予固非專門外科蓋常咨訪推究頗知治法大躰茲採前人所論癰疽証治載列卷首疔瘡腫瘍次之陶節庵癰疽經薛立齋外科精要二書實外科權輿業是者不可不使之隨囊檢視能熟此二書鮮有敗事予固特舉歷試有功者揭出以告同志云

### 瘡科總論

夫癰疽瘡癤者皆由氣血不和喜怒不時飲食不節寒暑不調使五臟六腑之氣怫鬱于內以致陰

陽乖錯氣血凝滯而發也亦有久服丹石燥熱之藥熱毒結深而為癰疽也夫癰疽之疾多生於膏粱富貴之人以其平昔所食肥膩炙燂安坐不勞嗜慾無節以致虛邪熱毒內攻煎熬氣血而成也癰者壅也大而高起屬乎陽其脉浮數疽者沮也平而內發屬乎陰其脉沉數瘡者總名也癤者有頭小瘡也經云諸痛痒瘡皆屬心火蓋心主血而行氣若氣血凝滯挾心火之熱而生癰疽之類也然所感有淺深故所發有輕重大小之不同也六

熱藥斷不可用此是先後次第之妙訣也夫瘡有五善七惡不可不辨若動息自寧飲食知味一善也便利調勻二善也膿潰腫消色鮮不臭三善也神彩精明語声清亮四善也躰氣和平五善也如煩躁時嗽腹痛渴甚泄利無度小便如淋一惡也膿血大泄焮痛尤甚臭惡難近二惡也喘粗短氣恍惚嗜卧三惡也未潰先黑久陷面青唇黯便汚者四惡也肩項不便四肢沉重五惡也不能下食服藥而嘔食不知味六惡也声嘶色脫唇鼻青黑面目四肢浮腫七惡也更有氣噫痞塞欬逆身冷自汗無時目瞪耳聾恍惚驚悸語言頻錯皆惡証也五善見三則差七惡見四必危若五善并至則吉而安七惡全見必危而死矣已上所論大綱其諸証候治法列論于後

### 五發癰疽論

夫五發癰疽者謂發背發腦發鬚發眉發頤是也人之一身血氣周流而無間稍有壅聚莫不隨所至而發焉又豈特五者哉夫發背者乃五臟風熱



六府邪毒灌于筋骨之間發于經絡之內榮衛虛損氣血衰殘所致也其發初如粟米大最不可輕忽後必大發也若初起紅腫高起者後必不為害故曰外形如粟中可容谷外貌如錢裏可着拳如惡毒深滿膿血交粘用藥可痊若膿臭穢無絲此血敗氣衰陽絕陰盛必難療理治初起或陰塌不起便可用艾多灸或隔蒜灸之如痛灸至痒如痒灸至痛此最妙法也若疽瘡已成亦可用火針烙開瘡口則易治也若瘡高起為癰則治平陷為

疽則難治癰疽形症已具前總論中茲不復論至如發腦發眉發鬚發鬚發頤地位不同然皆由內臟伏陽結滯邪毒上壅隨其經絡地分而發也其諸發癰初起皆宜宣散熱毒要須看人元氣虛實而治之庶不悞矣若元氣實者亦可用大黃之劑泄去毒氣或用漏芦五香連翹之類皆可用內托十宣之類補之亦有陰瘡寒塌不起雖云用灸然亦不可服寒涼之劑亦宜以煖藥溫之全在活法不可執一也其敷貼洗藥具方于下隨症用焉

外科精要曰癰疽既灸即服藥以護腑臟如護心散凡有疽疾早進數服使毒氣外出而無嘔吐之患否則咽喉口舌生瘡或黑爛如菌若瘡發四五日之後宜間用別藥治之

又曰護心散乃解金石發疽之藥若發熱焮腫作渴飲冷而嘔者宜之若發熱焮腫作渴飲湯而嘔者不宜用之蓋脾虛停痰或寒邪內侵或痛傷脾胃宜用六君子湯若喉舌生瘡或口乾作渴或小便頻數宜用六味丸大凡諸瘡作嘔若飲冷便秘

是熱毒也黃連消毒散解之飲冷便和是胃火也竹葉石膏湯清之懶食飲湯是胃虛也補中益氣湯補之大便不實喜飲熱湯是脾胃虛寒也六君子加炮姜以溫之常見脾胃虛弱者用護心散反致胃寒嘔惡其喉舌生瘡乃腎水枯涸虛火炎上其証甚惡急用加減八味丸多有得生者

又曰癰疽嘔逆是毒氣冲心非脾胃之冷當服內托散楊氏云鼻衄初愈不曾表汗毒在經絡則背大疽自肩下連腰脇腫硬如石其色紫黑以涼藥

接之終夜大嘔連進托裏散嘔止瘡潰赤水淋漓  
四十日而愈又有患瘰者痛過輒嘔服托裏即止  
今有疽病不服此藥者故引楊氏之言以解世人  
之惑

### 華佗瘰疽瘡腫論

夫瘰疽瘡腫之作皆五臟六腑蓄毒不流非獨因  
榮衛壅塞而發也其行也有處其止也有歸假令  
發於喉舌者心之毒發於皮毛者肺之毒發於肌  
肉者脾之毒發於骨髓者腎之毒發於下者陰中

之毒發於上者陽中之毒發於外者六腑之毒發  
於內者五臟之毒故內曰壞外曰潰上曰從下曰  
逆發於上者得之速發於下者得之緩感於六腑  
則易治感於五臟則難瘳又近骨者多冷近膚者  
多熱近骨者久不愈則化成血蟲近膚者久不愈  
則傳氣成漏成虫則多痒少痛或先痒後痛成漏  
則多痛少痒或不痛不痒內虛外實者多痛少痒  
血不止則多死潰膿則多生或嘔逆無度飲食無  
時皆瘰疽使然症候多端要當詳治

薛立齋曰瘡瘍生虫乃肝經風熱其成漏乃元氣  
虛弱其出血乃脾虛有火其潰膿乃元氣充實至  
於嘔逆等証屬脾胃虧損所致當調補元氣庶保  
無虞

背疽其源有五

一天行二瘦弱氣滯三怒氣四腎氣虛五飲冷酒  
食炙燻服丹藥

治癰疽用藥大綱

一初患癰疽便服內托散以免後來口舌生瘡仍

用騎竹馬或隔蒜灸

- 一服五香連翹湯如大便踈快即止仍量人虛實
- 一癰疽潰後宜服排膿內補散若嘔逆木香湯下
- 一癰疽初作便宜灼艾及麥飯石膏塗四圍中留  
口出毒如瘡小通傳之既潰用神異膏帖之
- 一癰疽已潰日用猪蹄湯淋洗將愈之際三日一  
次

一癰疽將斂宜用神異膏如毒未盡不可遽用生  
肌之劑